

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM**

Broj: 01-02-229/99.
Sarajevo, 24. 11 1999.

Z A P I S N I K
s 12. sjednice Predstavničkog doma Parlamentarne skupštine
Bosne i Hercegovine, održane 10. 11. i 24. 11. 1999.

Sjednica Predstavničkog doma je počela sa radom u 11,20 sati. Predsjedavao je mr. Mirko Banjac, predsjedavajući Predstavničkog doma.

Sjednici je prisustvovalo 30 poslanika – 20 s teritorije Federacije Bosne i Hercegovine i 10 s teritorije Republike Srpske.

Na sjednici nisu bili: Safet Oručević, Ivo Mijačević, Ivo Divković, Miodrag Deretić i Branko Dokić- svi su najavili izostanak sa sjednice i Edhem Bičakčić.

Za sjednicu je predložen sljedeći

D N E V N I R E D

1. Verifikacija mandata novim poslanicima
2. Načelna rasprava o nacrtima izbornih zakona, predlagača Drage Ljubičića i Kluba poslanika SDP-a
3. Razmatranje Prijedloga zakona o izbjeglicama iz BiH i raseljenim licima u BiH
4. Davanje saglasnosti za ratifikaciju Ugovora između Evropske zajednice i Bosne i Hercegovine
5. Poslanička pitanja

Prilikom glasanja o Dnevnom redu prisutan je bio 31 poslanik.
26 poslanika glasalo je ZA usvajanje dnevnog reda, od toga iz Federacije BiH 19 poslanika a iz Republike Srpske 7 poslanika.

4 poslanika su bila suzdržana.

Predloženi dnevni red je usvojen većinom glasova.

AD - 1 Verifikacija mandata novim poslanicima

Poslanici Jadranko Prlić i Neven Tomić su Privremenom izbornom povjereništvu podnijeli ostavke na mjesto poslanika u Predstavničkom domu. Privremeno izborna povjereništvo je usvojilo podnesene ostavke i utvrdilo da su Anita Mikulić i Mirko Baković sljedeći kvalifikovani kandidati sa liste HDZ-a za poslanike u Predstavničkom domu Parlamentarne skupštine BiH.

Radna komisija o verifikaciji je podnijela izvještaj.

U raspravi po ovoj tački dnevnog reda učestvovali su: Neven Tomić i Sejfudin Tokić.

Nakon rasprave prešlo se na glasanje.

Od 31 poslanika 26 poslanika su se izjasnili ZA ferifikovanje Aniti Mikulić i Mirku Bakoviću od toga iz Federacije BiH 19, a iz Republike Srpske 11 poslanika.

5 poslanika bilo je suzdržano.

Većinom glasova verifikovan je mandat poslanicima Aniti Mikulić i Mirku bakoviću.

Nakon verifikacije mandata Anita Mikulić i Mirko baković su dali svečanu zakletvu.

AD - 2 Načelna rasprava o nacrtima izbornih zakona, predlagača Drage Ljubičića i Kluba poslanika SDP-a

Po ovoj tački dnevnog reda prvo se vodila načelna rasprava o Nacrtu izbornog zakona čiji je predlagač Drago Ljubičić a zatim o Nacrtu izbornog zakona čiji je predlagač Klub poslanika SDP-a.

U raspravi su učestvovali: Drago Ljubičić, Ibrahim Spahić, Desanka Rađević, Vito Rakić, Ljubomir Zovko, Sejfudin Tokić, Ana Havel, Nikola Špirić, mr Mirko Banjac, ambasador Robert Barry, Haris Silajdžić, Mara Perkanović, Bogić Bogićević i Rasim Kadić.

Budući da nije bilo glasanja, oba nacrta zakona ići će na raspravu o pojedinostima.

AD – 3 Razmatranje Prijedloga zakona o izbjeglicama iz BiH i raseljenim licima u BiH

U raspravi su učestvovali: Rasim Kadić, Nudžeim Rečica, Abdurahman Malkić, Ibrahim Spahić, Vito Rakić, Sejfudin Tokić, Tarik Čaršimanović, Zlatko Lagumdžija, Nikola Špirić, mr Mirko Banjac, Mediha Filipović, Hilmo Neimarlija, Haris Silajdžić, Mara Perkanović, Neven Tomić, Miodrag Deretić, Radenka Balta, Ivo Divković i Suada Muminagić.

Nakon rasprave sjednica je prekinuta u 18,15 sati.

* * *

Sjednica je nastavila sa radom 24.11.1999. u 14 sati.

Amandmane na Prijedlog zakona o izbjeglicama iz BiH i raseljenim licima u BiH podnijeli su mr. Mirko Banjac i Vijeće ministara. Amandmani mr. Mirka Banjca nisu prihvaćeni.

Vijeće ministara je podnijelo slijedeće amandmane:

Amandman I

U član 13. dodaje se stav 2. koji glasi
“ Nadoknadu za imovinu mogu slobodno izraženom voljom tražiti izbjegla i raseljena lica od mjerodavnih tijela entiteta.”

Amandman II

Iza člana 27. dodaje se novi član 28. koji glasi:
“Izbjeglicama iz Bosne i Hercegovine i raseljenim licima u Bosni i Hercegovini koje slobodno izraze želju za materijalnom nadoknadom imovine ne može se uskratiti pravo na korištenje privremenog smještaja dok ne ostvare materijalnu nadoknadu za privatnu imovinu.

Privremeni smještaj ne može ostvariti korištenjem privatne imovine ili stana na koji postoji stanarsko pravo lica koje su u statusu raseljenih lica, odnosno izbjeglica iz Bosne i Hercegovine.”

Od 22 poslanika 19 je glasalo ZA usvajanje zakona s amandmanima Vijeća ministara. Od tog broja 11 poslanika je iz Federacije BiH, a 8 iz Republike Srpske.

Jedan poslanik je bio protiv.

Dva poslanika su bila suzdržana.

Prijedloga zakona o izbjeglicama iz BiH i raseljenim licima u BiH usvojen je većinom glasova.

U sklopu ove tačke dnevnog reda mr. Mirko Banjac je kao predlagač predložio usvajanje Odluke o statusu i položaju lica izbjeglih u Bosnu i Hercegovinu.

Vijeće ministara je prihvatilo tekst Odluke sa jednim Amandmanom i to:

U članu 2. dodaje se novi stav koji glasi:

“Privremeni smještaj se ne može ostvariti korištenjem privatne imovine ili stana na koji postoji stanarsko pravo raseljenih lica ili izbjeglica iz Bosne i Hercegovine.”

Predlagač je prihvatio Amandman Vijeća ministara.

16 poslanika je glasalo ZA usvajanje Odluke.

Jedan poslanik je bio protiv.

Pet poslanika bilo je suzdržano.

Po entitetima iz Republike Srpske 8 poslanika glasalo je ZA usvajanje Odluke, a iz Federacije BiH 8 poslanika je glasalo ZA usvajanje Odluke.

S obzirom da nije bilo potrebne entitetske većine Odluka ide na usaglašavanje.

AD – 4 Davanje saglasnosti za ratifikaciju Ugovora između Evropske zajednice i Bosne i Hercegovine

U raspravi po ovoj tački dnevnog reda niko nije učestvovao.

19 poslanika je glasalo ZA davanje saglasnosti za ratifikovanje Ugovora između Evropske zajednice i Bosne i Hercegovine. Od tog broja 10 iz Federacije BiH, a 9 iz Republike Srpske.

Jedan poslanik je glasao protiv.

Dva poslanika su bila uzdržana.

Većinom glasova data je saglasnost za ratifikaciju Ugovora između Evropske zajednice i Bosne i Hercegovine.

AD – 4 Poslanička pitanja

Niko nije postavio poslaničko pitanje.

Sjednica je završila u 16 sati.

Magnetofonski snimak čini sastavni dio Zapisnika.

Predsjedavajući
Predstavničkog doma
Parlamentarne skupštine BiH
mr. Mirko Banjac, v.r.